

虛受堂文集

虛受堂文集卷十六

年譜

長沙 王先謙 益吾

先太夫人年譜

先太夫人姓鮑氏湖南長沙府善化縣人 先外祖

貽封朝議大夫太學生諱敦富字善夫公女籍徽州徙

湖南 太夫人生嘉慶十三年戊辰六月十九日酉時

嘉慶十四年己巳二歲

十五年庚午三歲 是年 先府君載之公生

十六年辛未四歲

十七年壬申五歲

十八年癸酉六歲

十九年甲戌七歲

二十年乙亥八歲

二十一年丙子九歲

二十二年丁丑十歲自六歲後 先外祖爲延師課讀

已能誦詩書通大誼

二十三年戊寅十一歲

二十四年己卯十二歲

二十五年庚辰十三歲 是年 先外祖母熊恭人卒

太夫人無兄弟姊妹措置家務整肅有法侍奉 先

外祖曲得歡心 先外祖深愛之 先祖峻齋公夙與
先外祖爲莫逆交稔知 太夫人賢爲 府君求婚
因許聘焉

道光元年辛巳十四歲

二年壬午十五歲

三年癸未十六歲

四年甲申十七歲

五年乙酉十八歲

六年丙戌十九歲歸

府君

府君兄弟三人大伯父

虎臣公娶伯母郭太宜人二伯父直清公娶伯母唐太

宜人俱已來歸 太夫人逮事 先曾祖名園公 先
曾祖母陳太孺人 先祖峻齋公 先祖母曾太夫人
承歡盡敬內外嘉許時家事壹稟於 先祖母 先祖
母馭下嚴肅無少假借烹飪縫紉以身率先 太夫人
夙所未嫻至卽教爲靡不精潔聲色未形取辦皆給杯
皿度置必令得所 先祖母尤加愛焉

七年丁亥二十歲

八年戊子二十一歲 先曾祖名園公卒

縣學生卒時年七十歲

九年己丑二十二歲伯兄先和生

十年庚寅二十三歲

十一年辛卯二十四歲大姊生八月殤

十二年壬辰二十五歲 先祖峻齋公卒

縣學生以善書名卒年五

十歲 自 先曾祖終年授徒裁足自給及卒 先祖不

善治生施予無遜家益窘卒時罄田宅不足償逋大伯
父性迂謹二伯父略不關家事各攜伯母依婦翁居自
是家事畢集於 府君四壁蕭然惟恃筆耕餬口艱瘁
難罄述

十三年癸巳二十六歲二姊生 是年 先曾祖母陳
太孺人卒

十四年甲午二十七歲以 府君奔迫鮮暇無力延師

太夫人自授伯兄讀

十五年乙未二十八歲

十六年丙申二十九歲三姊生三月殤 是年 先外祖卒大伯父虎臣公卒

十七年丁酉三十歲仲兄先惠生 時家屢空囊餒不繼或日一餐 太夫人窺甑飯無多食少許輒託故去畱奉 先祖母飽食是冬自 先祖母 府君衣裘外典質俱空嚴寒時 太夫人猶著夏布中衣故次兄生而體弱甚四歲尙不能步 大伯父卒後 府君屢迎大伯母同居至是始歸 府君命以伯兄爲大伯父後

十八年戊戌三十一歲。大伯母病甚手足不良。太夫人扶持抑搔與俱上下時其食而進甘旨藥餌焉如是五年然後疾愈。太夫人上奉孀姑下鞠子女晨興執爨悲嘯索乳者繞其側既昏迺息呻吟愁歎者盈其前生事艱難惟是爲亟。太夫人無幾微怨懟之色且時以樂天知命寬慰。府君。府君嘗歎曰願汝他日先我沒我得爲一文祭汝以章汝德也後。太夫人每語兒婦輩云吾當時誠不意全活至今然以汝父專精於學雖餓死無怨男子貴固窮但閭閻內不知禮義或相摧謫則心分擾不能自力此關於家道廢興甚大汝

曹誌之

十九年己亥三十二歲

府君館瀏陽黎氏家用稍給

二十年庚子三十三歲

二十一年辛丑三十四歲

二十二年壬寅三十五歲

不孝先謙生

二十三年癸卯三十六歲

不孝患痘瀕危 太夫人備

極艱劬遇救得活

二十四年甲辰三十七歲

府君自課伯兄數年至是

學成命授仲兄讀

二伯父婦家饒貲中落至是 府

君並迎歸同居

二十五年乙巳三十八歲四妹生數日殤

二十六年丙午三十九歲 府君命伯兄授 不孝讀

二十七年丁未四十歲

二十八年戊申四十一歲 先祖母曾太夫人卒

二十九年己酉四十二歲季弟先恭生

三十年庚戌四十三歲

咸豐元年辛亥四十四歲長嫂吳來歸

二年壬子四十五歲 是年二伯母唐太宜人卒二伯

母同居數年以 太夫人相待之厚臨終時向家人稱

述流涕不止 府君命以季弟爲二伯父後

三年癸丑四十六歲 是年二月二姊適候選知縣善
化龔運昉五月聞粵賊復將上犯舉家移居城外二十
五里之澇塘河伯兄遇雨得疾醫藥不良數日遽沒府
縣試皆前列竟不及待院試可慟也十月復移省城
府君命 不孝 從仲兄學

四年甲寅四十七歲仲兄以府試冠軍補縣學生

五年乙卯四十八歲二嫂楊來歸

六年丙辰四十九歲仲兄食廩餼

七年丁巳五十歲

不孝

補縣學生

仲兄文名藉甚是

年撫軍決科第一七月得喉疾甫愈親友咸勸弗入闈

兄曰吾不以一第爲重輕顧天下大亂今歲鄉試幾不行更三年知復何似吾有老親勢不能投筆取功名家門已不振親意責望厚不從此中乞生活行將窮餓死吾命苟當絕雖家居庸能壽考乎 府君 太夫人阻之仲兄泣求入闈試畢七日竟不起榜發知同考官鼎薦額滿見遺 府君以是肝肺摧傷咯血增劇

八年戊午五十一歲 府君命 不孝 授季弟讀 不孝 婦

張來歸

九年己未五十二歲 不孝 食廩餼 是年二伯父直清

公卒

十年庚申五十三歲

十一年辛酉五十四歲 是年 府君春秋五十有二

以二月十八日棄 不孝等 府君自仲兄卒後無日不

病前二歲氣喘甚不能動作飲食衣服皆需 太夫人

調護應念必至聞聲卽趨或倚鐙屏息竟夜不寢 府

君疾革 太夫人不解衣交睫者四十餘晝夜 府君

卒 太夫人暈絕數四 不孝等環跪泣勸強起啜粥大

事甫畢貨物罄盡 不孝請於 太夫人橐筆從戎 太

夫人許之六月赴湖北武昌爲內江水師嚮導營營官

原任狼山鎮總兵官王君 吉聘司書記以安慶克復十

一月移駐安慶

同治元年壬戌五十五歲

不孝

辭王君歸友人李君

春

藻

邀往永州旋歸十月

不孝

婦張卒季弟慧甚爲文有

精思已能料理家事

二年癸亥五十六歲

不孝

爲前督辦陝南軍務江西布

政使李公

桓

延入幕至湖北李公以病免

不孝

亦歸南

風逆舟

不孝

急思覲

母步行抵家不敢告

太夫人

也後

太夫人見

不孝

詩冊中有云百歲親心逐子飛

縱令安穩亦獻欬卽今白髮倚門望未識青袍徒步歸
河水深深梁正絕炎雲莽莽樹還稀孤行千里無人問

涕近柴局帶笑揮 太夫人驚問曰汝乃徒步歸乎 不
孝具述所以 太夫人泣曰汝不思保身以奉親迺爾
犯險乎今後慎勿爲此也提督梁剛節公洪勝募勇湘
中延入幕復偕往湖北

三年甲子五十七歲 是年四月官軍敗績於天門之

九眞廟

不孝

隨梁君帥敗卒突圍出梁君所部三千五

百人得免者裁數百旋隨梁君移營蘄水七月歸里九
月中式舉人十月婦周來歸十一月北上

四年乙丑五十八歲

不孝

會試中式進士引 見改翰

林院庶吉士乞假南歸是年恭遇 覃恩誥贈 先府

君儒林郎封 母太安人

五年丙寅五十九歲季弟補縣學生弟婦張來歸 是

年十月

不孝

婦周卒

不孝

十一月往江西

六年丁卯六十歲

不孝

自江南旋里爲

太夫人稱祝

九月北上

七年戊辰六十一歲

不孝

散館引

見授編修七月由

陝西往四川 是年三月季弟生女媚祖九月殤

八年己巳六十二歲

不孝

二月歸里六月偕季弟赴粵

行至樂昌

太夫人走書仍命弟歸

不孝

送弟還遂由

樊城赴京

九年庚午六十三歲 是年正月季弟生女肇祖 不孝

充雲南鄉試副考官季弟報捐分省補用知府 不孝 十

一月乞假歸里

十年辛未六十四歲季弟病甚 不孝 續假三月以待其

瘳三月季弟卒五月弟婦張又卒 不孝 以待 母無人

請於 太夫人舉家北上方 先外祖在時繼姪爲子

及 先外祖卒舅父外出音耗斷絕舅母獨居無以自

存 太夫人命 不孝 迎之同居姊丈家貧姊生一子二

女依倚母家其幼女甫八月大嫂撫爲己女 不孝 請

太夫人偕舅母二姊及子女俱入都 太夫人曰吾雖

憐汝姊甚然兒家累太重宜三思

不孝

啟曰兒兄弟姊

妹八人今僅存兒及姊如不同行他日數千里外吾母
念姊困苦欲一見不得兒何以自安兒惟循理而行必
獲天佑 太夫人曰若是聽汝爲之六月婦李來歸七

月 太夫人瀕行哭奠於

先府君墓所默佑合家清

吉嘔血十數口

不孝

旁伏涕泣不能仰視時由長江達

濟甯行囊已空

不孝

復往山東省稱貸以濟值水涸請

太夫人乘輿往德州

太夫人行數十里以不慣長

途輿轎頭暈嘔吐

不孝

屬輿夫平步緩行次日 太夫

人始稍安帖凡五日至德州

不孝

心膽俱碎季弟在時

善承

太夫人意旨有志向學述作斐然又能經理諸

務

不孝

不復問家事自季弟奄逝太夫人如失左右

手

不孝

亦心如死灰無復曩時豪邁之氣事勢所值迫

爲迎養舟車轉徙困頓流離飲食衣服不時不適幸獲

平安抵德實

太夫人厚福有以庇之時河凍不能行

不孝

先到京復

命除夕仍回德州侍

太夫人

十一年壬申六十五歲

二月

不孝

奉

太夫人抵京

寓東北園五月

不孝

生女娛祖

十二年癸酉六十六歲

閏六月大嫂所撫姪女蘭儀

殤年十三歲姊子已十八歲至京後忽病狂數年死

是年恭遇 覃恩晉贈 先府君奉政大夫封 母太
宜人

十三年甲戌六十七歲 正月 不孝 女娛祖殤二月移

居虎坊橋東姪女肇祖殤三月 不孝 充會試同考官十

月生女順祖

光緒元年乙亥六十八歲 正月 不孝 生子榮祖二月

大伯母郭太宜人卒四月 大考 不孝 列二等第五名

擢補右中允五月大嫂吳宜人卒六月 不孝 充江西

鄉試正考官十一月生女慧祖 是年恭遇 覃恩晉

贈 先府君朝議大夫封 母太恭人

二年丙子六十九歲 五月 不孝 子榮祖殤六月 不孝

充浙江鄉試副考官十一月生女昭祖

三年丁丑七十歲 正月 不孝 轉補左中允十二月女

順祖殤

四年戊寅七十一歲 四月 不孝 生子壽祖女昭祖殤

十二月 不孝 升補洗馬

五年己卯七十二歲 五月 不孝 升補侍講六月子壽

祖殤七月轉補侍讀十月女慧祖殤十二月升補右庶

子

六年庚辰七十三歲 三月 不孝 充會試同考官轉補

左庶子四月升補祭酒

七年辛巳七十四歲

太夫人每見

不孝

典試擢官中

心頗慰而以孫男女相繼殤恆悒悒不樂一日謂戚楊

君外間有圖畫小兒者可將來楊購得近人所繪昭君

抱子圖以進

太夫人指謂

不孝

曰我欲抱取此兒共

食

不孝

聞之心痛甚百端解慰

太夫人曰我豈不知

命數遲速有定但我爲王家婦五十餘年自問生平無

過差今娶婦望孫逾三十年迺尙如此兒謂我心當如

何因持

不孝

而泣

不孝

亦泣不可止已而謂

不孝

曰兒

盍爲一詩紀之

不孝

乃爲書事一首云朔漠冢何在荆

門村尙疑丹青昔已誤圖畫今何爲空畱春風面永繫
浮世思遂令出塞曲人人怨別離北堂春晝閒 母顏
殊不怡取張雪色壁對之忽移時旁觀竊怪詫惜此冰
玉肌甯知諉草心未愛柳葉眉回頭顧小子許大雪白
兒恨不將入懷哺之以芳飴余心不遑安欲語久淒其
如聞琵琶聲切切摧肝脾長跪告 阿母三年以爲期
身身羣學語索抱環羣衣蟠桃百歲觴玉立森房帷
母言吾戲耳不用長嗟咨我如桃源人漢事非所知但
祝隱願遂扶杖觀兒嬉要須將我意寫入蘭陔詩斯圖
得依託永作家珍貽再拜壽卮酒援筆獻此詞尋乞同

人題詞數首

不孝

向

太夫人誦之

太夫人曰三年

爲期則可必乎惟虔祝

祖

父默佑庶家門興盛也

歎歎久之

先是

不孝

在四川友人以建昌花板相贈

辛未北上畱友人家

太夫人七十後屢促

不孝

運致

都中且曰人生百年會有盡期得良材而不獲用兒他

日悔其可追耶後

不孝

面託友人迄無應者閏七月從

弟先泰挈眷北上乃攜以來

太夫人甚喜

是年恭

遇 覃恩晉贈

先府君通奉大夫封

母太夫人

八年壬午七十五歲

自庚辰後

太夫人時有微疾

服藥卽瘳

不孝

承望顏色喜懼交乘不忍暫離左右

太夫人無

不孝

在旁亦如有所失每晨

不孝

起趨問安

太夫人梳洗

不孝

手一冊侍坐食則侍食食已

太

夫人靜坐片時

不孝

仍手一冊侍焉

不孝

他往則寡媛

楊宜人迭侍哺食如之食已亦如之日加亥太夫人

先寢

不孝

旁坐子末

不孝

退楊宜人就

太夫人旁坐

丑末

太夫人復起少坐就寢則一嫗旁坐待明

不孝

入嫗乃退每食必命

不孝

分嘗少許巡視屋前後必命

不孝

奉手扶行嘗語

不孝

我七十許人他無所慮獨憐

兒孤立無助此心耿耿耳視

不孝

不啻二三歲兒

不孝

自視亦如時時在襁褓中也正月

太夫人患風溫

月未痊後投涼散之劑始漸愈至二月初全瘳精神殊
佳行步甚適

不孝

奉

派往

東陵行禮三月初七日

叩辭

太夫人諭以途間保重勿食生冷

不孝

稟命遂

行詎料初八日申刻突中風痰服藥罔效

不孝

初十日

聞信遄歸十一日抵家

太夫人欲有所諭不能出聲

不孝

附耳言求吾

母心勿焦急調治當愈

太夫人

連頷之至次日牙齒緊閉痰氣壅塞

不孝

百計乞方禱

天請代竟於十六日寅初長逝嗚呼痛哉

太夫人一

生無疾言遽色遇事條理秩如老耄而聰明不減或至

家事疑難發言洞要婉轉開諭靡不衷於情義之平見

人慶善若己有之人或顛危如在己身大公不私踐分
循理接戚鄰和而敬周旋終日無厭倦傾倚雖抵衰疾
彌加敦篤子婦勸以少息非所安也有友人攜子寓家
中偶犯寒曉出或晚不脫衣臥一日太夫人聞之命
不孝等勸諭至再曰渠大可憐念若有母笑至無人調
護如此耶今居我家卽與我誼同骨肉苟心力所至必
善扶持之是夜懸念至不成寐嗣後不孝等遂不敢再
令太夫人知御臧獲恩意周至食則分減寒則呼衣
或以爲過勞答曰吾心腸自來如此不能改也遇困乏
者振貸無少愆每戒不孝云人當無時作有時看有時

替無時想至自奉則務崇節儉逮老無玩好之需金玉
之飾或強奉之旋卽屏置家人勸以戲具爲樂 太夫
人曰吾但願家庭整肅內外輯和男勤女奮卽是至樂
他非所願也細務必親終日勤動恆言吾非好勞性實
習此且婦人不能作苦福可長享耶願語兒婦輩曰汝
祖母之教迺如是吾家相傳家規當世世謹守之故彌
留之前夕 不孝 泣稟 太夫人前云脫有不諱兒必恪
守家規一如 母生存時謹身安分以繼 先府君未
竟之志不使吾 母含恨九原嗚呼 不孝 知識庸闇不
克早覩理道之歸勉自樹立俾 太夫人令德彰聞於

時瑕垢淵幾罪僞山積祇託餘蔭竊祿於朝迎養
十載不能修身以型家啟後以娛母恩覆無已而承
歡闕如一別庭幃永違語笑此所爲五內摧崩仰天泣
血無時無地可以自容者也苦塊餘生恐卒填溝壑無
以章太夫人盛美謹倣陽湖陸祁孫先生述其母林
太孺人年譜例備著太夫人懿德艱遇附綴瑣事成
年譜一卷惟蓄道能文之君子俛加哀憐賜之銘誄
以光無窮不孝死且不朽

棘人王先謙泣血謹述

王母鮑太夫人墓碑

以下增

郭嵩燾

國子監祭酒王君以光緒十年某月葬其母太夫人長沙某鄉之原而叙次其家世爲年譜涕泣來言曰先謙年二十而先公卒兄弟骨肉之戚相環也蓋母子二人相守以終二十有一年太夫人年踰七十壽固有窮也而其德引之而愈長不知其所窮也其自少逮老憂勞鬱傷與其身相刃相靡其哀又益無窮然則吾何以表太夫人之勤以寄其無窮之痛昭示永久將求先生之文揭之墓由今以訖無窮有所考覽太夫人姓鮑氏祖某自安徽徽州徙居湖南占籍爲善化人父敦富爲太

夫人擇所歸以適故贈通奉大夫王公及事其兩世舅姑能得其歡既終祖父之喪家益落兩兄妯依食其母家母家又貧通奉公悉迎以歸曰寒饑均之可也已而伯妯病廢太夫人時其溫飽躬調護之扶持抑搔五年無閒貧又益甚姑且老通奉公游食於外太夫人日市米一甌贍其姑每侍食輒假他故去問之曰食矣日常忍飢不一言洎通奉公之喪太夫人年五十有四矣家亦稍稍饒太夫人生子四長卒數年其次又卒通奉公哀其子甚亦卒其季尤才也又卒祭酒三娶妻有男子子二女子子四皆殤自祭酒通籍京師官顯矣家裕矣

太夫人顧日在哀泣之中與祭酒相慰存母子更依爲命而視其家衍衍然以肅聆其言秩秩然以和終不易其常光緒八年三月十有六日以疾卒於京師年七十有四太夫人讀書識大體更厯險夷豐悴宏忍自勵尤篤於仁聞人疾苦必計所以援拯得當乃已親故待養者或有他缺乏爲之歛歔不歡下至臧獲皆然祭酒故人子寓其家偶失衣服寒燠之節太夫人見之歎曰是無母撫視以有然也日使人伺之或夜不能寐其心篤於仁而施之誠皆此類也太夫人四子曰先和曰先惠縣學生曰先謙乙丑科進士由翰林厯官國子監祭酒

曰先恭縣學生分省補用知府四女存者一嫁候選知縣龔運昉先謙官祭酒以其官封贈其父通奉大夫母太夫人自京師奉太夫人之喪歸葬長沙其地下之吉也其日當大祥之前一月庶幾以遂其孝思銘曰

始勤家曰賢婦繼昌爾宗曰賢母生世艱劬得天厚百憂積心誰執咎仁德以隆美成久戚忻在人若身受以衍其基宜有後湖湘開闢元黃剖堂堂文宗肇祭酒夫人之子維我友負土成墳被岡阜更千億年詔不朽

王母鮑太夫人墓志銘

李慈銘

慈銘自同治壬申與今國子祭酒王君先謙相識甚疏也甲戌會試卷在祭酒房力薦之僥得而以文字違格卒被擯心感祭酒然輒迹益以過庚辰成進士祭酒爲鄰房同考官揭榜時見慈銘名以其老也感唏之甚旣慈銘呈牒翰林院乞守故官祭酒力沮不能得歎惜衆日慈銘始益感祭酒交日密於是始知祭酒之有賢母而祭酒門祚之單隻太夫人身世之劬勞始一一聞之祭酒事親孝太夫人年高多病自昔歲後疾婁作祭酒朝夕左右若孺子每爲慈銘言之慘戚不自勝慈銘亦

心憂之相見必亟問起居今年三月七日祭酒有事

東陵越日而太夫人病作遂以不起嗚呼鮮民之痛天下無如慈銘之酷者交游中有親在者羨之極而感泣惟恐其樂之不長懼其老而憂其病不啻其在身也肅肅鵠羽哀鳴相聞其相感之悲有不能喻之它人者既祭酒以所次太夫人年譜屬爲志墓之文其曷敢辭按譜太夫人姓鮑氏先由徽州遷湖南長沙府善化縣父太學生諱敦富母氏熊幼失恃終鮮兄弟事父孝年十九歸贈通議大夫長沙王公載之逮事王舅姑及舅姑皆得其歡心贈公祖父皆諸生家貧世以教讀自給太

夫人仰事俯育盡其力養生送死盡其誠和娣姒卹姻黨嘗竟日一餐而甘旨無缺或飯時託故不食嚴寒身著夏布中衣而操作益勤時堂上溫清而裘絺之其兄公卒迎長姒同居病視之惟謹五年無倦色門以內熙熙如也生丈夫子四皆躬自授書長君次君各授室能文次君以高材生食餼而先後天歿俱無子贈公以痛子亦卒時祭酒已補諸生其季尙少粵寇方熾蹂躪徧湖南北祭酒從軍鄂皖之交太夫人忍死以全厥家其勞瘁而心傷蓋有不忍言者既祭酒連掇科第入翰林奉使雲南假歸省視季君亦以諸生得官未及上夫

婦遽逝亦無子於是祭酒迎太夫人及孀姊寡嫂俱至京師凡十年色養甚備而祭酒連殤子女先是贈公有兩兄皆無後太夫人念家世之衰殄子姓之不育常戚戚不怡欲求一日含飴弄孫以慰莫年而不可得此祭酒述之輒號慟也慈銘竊惟太夫人之所處誠備生人之極艱其所行雖亦閨門之庸德然以富貴婦人處之有不可以終日者卽其後親見克家清華撫養而殤折之慘無歲無之嘗讀昌黎苗夫人之志所謂歲時孩嬰號笑滿前者幾以爲奇福不可倖也然以視不肖如慈銘者母氏勞苦而無一日之養兄弟隕替嗣育剝絕而

不得以區區之科名逮親之存則祭酒之所以事太夫人者豈不猶在天衢哉是亦可以無憾已太夫人生於嘉慶戊辰六月十九日卒於光緒壬午三月十六日享年七十有五距贈公之歿二十有二年子四長先和次先惠廩膳生三卽祭酒同治乙丑翰林至今官四先恭縣學生分省補用知府女四次適候選知縣善化龔運昉其三皆殤以祭酒貴封由太安人晉宜人恭人至太夫人以某年日月葬某鄉某原銘曰

先儒戢山劉子有言平生未嘗言及二親者傷心之甚不忍言也母也天只孰酬恩也維太夫人生備百屯而

終享鼎茵也。象賢有子爲名臣也。胡天靳之。未耄期而撫孫也。維艱維劬。以成厥家。終大其門也。高明令終。歸儷於原也。因祭酒之錫類。以慟吾親。欲埒皋魚之淚於瀧岡之阡也。

王母鮑太夫人墓表

周壽昌

太夫人鮑氏善化儒家子少明詩禮事其親以孝稱適於王王故長沙舊族世業儒太夫人之孝於翁姑與孝於其親無以異也贈君積學而貧太夫人不以貧累其夫之學逮夫亡而子能學太夫人不以貧累其子之學無異於其相夫時也性嚴整小疾不肯延醫以其子先謙從學於予又爲予親姪女壻予習醫且老故中外常得見一日忽問曰吾兒爲公弟子其典試雲南或謂能得士無遺議信乎予告以信然則喜乙亥先謙典江西試歸復問曰聞江西地大於滇人文較盛我子尙能得

士勝昔而且多寒畯乎予告之則要予舉數士以爲信
迫丙子典浙江試歸問復然而從無一語及賄贈之隆
殺贅幣之豐儉其識理道明大義類如此自微時至貴
盛無金玉之飾鄰婦有小兒病向太夫人借金指環煎
藥迄無以應徧索之家人子婦中亦卒無此物也初苦
貧養給從嗇迫其子稍貴而太夫人無改其貧及後可
無極於貧矣而太夫人之食貧如故其子雖强奉之而
終不肯改以至於沒世宜其子每思之輒痛而不能已
也予曰太夫人之志定蓋終身焉耳矣而痛有終極耶
其封贈世次生卒詳墓誌予特舉所未備者碣諸墓以

爲戚郇式并以慰其子焉

永慕廬銘

郭嵩燾

益吾祭酒爲永慕廬屬嵩燾書之因繫以銘其辭曰人皆有母獨吾母之爲哀蓋躬習其教相守爲命至老而猶孩況若君骨肉凋喪惟母之爲依哀豈有窮哉君之兄弟爲龍爲虎倏忽變化盡爲煙埃其文章著述有傳於世討論而表章之足以垂示方來是其告慰君母者將使其家之人與天地齊壽歷千祀而窮九垓君以一身枝柱其間亦豈非天之厚積其勢障頽瀾而使回然則君之有後決矣斯其旁薄鬱積之久而山岳爲開追思母德日月崔巍人壽終盡於百年年有盡而思無涯

人同此思而傳者獨以其才我銘其廬以告永懷時光
緒九年癸未長夏

王母鮑太夫人家傳

李 楨

太夫人善化鮑氏 貽封朝議大夫太學生諱敦富之女幼通詩書大誼年十三喪母亡舅弟姊妹遂能庇敕家事後六歲歸載之贈公益從姑曾太夫人倣所爲職內之法家匱日或一食不自饜以奉姑嚴冬猶著夏布中衣咸豐乙卯楨與其叔子先謙共學其家見其門以內肅睦終歲不聞譴笑大語太夫人躬擧事鉅細以率子婦性尤慈惠當夏月之夕館師歸去贈公輒命先謙楨各研說毛詩二三篇贈公攜酒獨飲聽之間爲辨析疑義及就寢太夫人已先命婢子爲布席驅蠹下帷帳

凡數十夕如此後數年先謙橐筆旅戎幕楨亦奔走遠客追惟曩昔切劘之樂杳不可得而贈公旣前逝太夫人亦已老矣自先謙通籍迎養太夫人京師更十一年以疾卒年七十有五先謙篤孝哀慟尤至旣御匱歸葬撰年譜乞楨爲傳以傳之太夫人有子四人長先和後世父某次先惠縣學廩生並蚤卒次先謙同治乙丑進士歷官國子監祭酒次先恭縣學附生分省補用知府亦早卒太夫人旣喪三子又喪婦四殤男女孫九而齒加耄望孫意益切未及遂而歿

論曰二南美王化稱女婦多矣顧罕有殊節豈其遇獨

亨與蓋古之道中庸而已其所詠歌刑示萬世要使人
人皆能循分自盡而不貴苟難而果有能貞婦順恆其
德者雖嬰變故必能底節何則其道揆一也觀太夫人
事行皆庸近無絕殊者然持其道以承先迪後以方古
婦德奚歉哉昔太姒嗣徽齊媚嘗有百男若太夫人所
注望意必不終負吾於天道信之矣

王母鮑太夫人像贊

並序

楊恩壽

壬午之夏益吾祭酒以太夫人憂歸假館莫將軍園亭
一日登涵景樓則太夫人遺像在焉神采如生不覺涕
泣再拜於是與太夫人別凡八年矣憶自咸豐甲寅與
敬吾同舉秀才年齒相若文章意氣睥睨一世款懇綦
至太夫人喜敬吾之得友也則請以年家子見見則溫
溫慈愛略如子姓荆釵裙布無華服也歲丁巳敬吾不
祿益吾推兄愛以執友事恩壽款懇殆逾敬吾已而聯
捷成進士入翰林以其從姑媒而歸恩壽太夫人亦喜
其家之得婿也則更以嫺姪見情誼彌篤而服飾儉素

無異敬吾爲諸生時也益吾迎養京師同治甲戌恩壽以選人注吏部籍客京師凡三閱月有奇幾於無日不見時益吾以大考擢春坊屢司文柄又以能文章負海內望家道隆隆日上而太夫人所以自處無異益吾始得官時也恩壽灑然異之歸而舉以告吾婦且詢其軼事之足法者吾婦雖於太夫人爲姑姒行而與其季子體吾齊年更事遲於太夫人持躬訓子諸大節懽然也第記在室時一日雪寒甚頗豔鄰女之衣狐也外姑輒訶之曰若不知老三嫂氏冬日著絺袴執炊乳子寒中肌腠老而不瘳迄無怨言今且膺封誥乎蓋太夫

人次居三益吾亦三稱老者別於益吾婦也僅知此一事不能舉其它嗚呼夫子不云乎貧而無怨難富而無驕易恩壽稱其易而置其難烏足知太夫人哉謹繫以贊竝記曩所聞見者於幀

贊曰鮑姑旣仙門風誰紹篤生女宗四德克劭歸我贈公以敬以孝爲古樊英亦今德曜御冬澣葛添薪仰槐蘆簾偕隱荻火餘灰森森玉樹照耀庭階伯仲旣逝季氏旋蘿佼佼叔子芥拾青紫介壽弦歌娛親經史歸然養堂光被桑梓七五高年笑脫塵滓遺像當筵言笑生前賤子瞻禮泣涕漣漣溯從拜母二十九年盛衰離合

悽對鑪煙

王母鮑太夫人誄

王闔運

長沙王祭酒先謙旣卜葬母夫人自撰懿言述爲年譜
案德明哀感人天性閨運孤子也少依慈訓壯失瞻依
譬猶桓山之鳥聞聲而獨悲雍門之弦未彈而先淚況
其含淒悱惻追怨重深吹樹甚於皋風積憂多於秦獄
生平承歡之事當年飲泣之由繆熙伯之造哀陸士衡
之已歎伊鬱無吐情遣有窮者乎昔章夫人之靈表但
述摧傷劉子政之贊詞先陳明智原本孝思乃爲誄曰
昔有桓鮑實爲女宗令德不顯克紹柔恭作嬪于王三
母齋願雖有長姒委政爰從相協厥家內外時雍予遭

役遺以我御窮夙興承筐爨有其容嬰呪號咷顧復喁
喁何有何無二紀祁僮汔可小康國有大兵元二之災
萬室靡甯攜持顛沛勸訓家黷胡天不備有曜弗榮旣
殲良子乃邁梁傾傷哉貧也斂正無贏叔墨其縗負米
安慶猶不遑安六涉洞庭母則尸饔奄已耆齡耆齡如
何荼亦有甘取經於楹遂聘趨趨排金佩玉直閣司監
文無虛奏士有指南亭亭特達烈烈黏黏鄰媪咎兒里
母搜函觀養扶輿旣涕且談庶幾佑仁暮歲和耽朱輪
導仗白髮垂簪人之見之貴壽無極唯子知母中心慘
惻七天九殤空勞母力旣見其生悸而轉盡明明夜燭

泠泠朝闕。曰曩食貧。竈觚之側。嘯飢泣寒。環堵是塞。昔
笑且嘖。今悲更憶。柰何冥冥。亦從老息。於乎哀哉。先民
有言。冥昧慶善。達士不爾。等之暮旦。一蔽一通。得半失
半。貞操不移。九變復貫。憂叢於身。神周於算。人所欣嗟。
我無愉惋。居康不怡。知貧非患。超矣賢母。寄之遐觀。釐
福我後。逍遙仙館。

王母鮑太夫人誄

袁 昶

於惟賢明其勤其艱。媻媻小心。高其閨門。在約匪詘。賓
澡蘋蘩。處貴匪遜。三郤被仁。居不識屏。言若畏鄰。含惠
內章。於何稱云。國人願嚙昌其嗣。人推知母儀。輝光日
新。鮑氏之先賢桓。少君胄子。茂裔名門。作嬪。翊翊裸饋。
肅肅明禋。行合法式。澣濯組紃。食蓼而甘。爰康其屯。良
玉之璫。勁箭之筠。其屯伊何。俶歸素族。逮事王姑。重闈
祈福。雁行娣姒。勞嘆也獨冬。暄瘃。數年豐杞菊。簪蒿。饁
畦然松。佐讀宵警。夙興仰事。俛畜勞事。一埤盅然。若谷
榛筍。再壑竭思。髦髦卒相。夫子响濡。涸陸陽九之會。兵

疫。疔。罹。忠。信。涉。險。免。于。禍。羅。夫。子。不。伐。百。行。具。宜。年。不。
副。惠。祿。不。逮。家。中。遘。慙。闕。不。卒。其。敏。隆。冬。卉。靡。雪。霜。交。
加。猗。猗。蒼。松。不。傾。不。頗。惠。門。再。造。禴。禴。返。和。潛。穎。青。陽。
靈。根。啟。華。既。極。乃。通。受。祉。孔。多。負。荷。有。子。佩。玉。鳴。珂。譬。
彼。圯。室。賢。母。桷。之。譬。彼。弱。弦。賢。母。張。之。枯。岸。潤。珠。崩。崖。
產。芝。始。太。君。教。奮。堪。豹。狸。伯。既。通。敏。仲。亦。崛。奇。季。則。鴻。
軒。銀。魚。朱。衣。國。楨。繼。天。士。論。嗟。咨。叔。也。潭。潭。爲。國。子。師。
掌。故。淵。海。眾。流。倚。依。薦。能。擢。良。輜。車。四。馳。陳。謨。沃。心。抑。
何。夔。夔。學。成。行。尊。加。飡。一。怡。辭。湘。卽。燕。安。輿。衍。熙。白。華。
絳。趺。辟。雍。之。湄。椒。馨。蘭。潔。神。明。冲。夷。璇。宮。著。籍。蘭。館。

陪祠爲婦爲母尤矣壺儀將躋大耋 天錫羨祺何圖
扶筐掩曜藏儀湖嵌鐫行瀟碧含悲嗚呼哀哉遣令戒
敕一何冲整民勞之箴千載觀省全歸斯甯返漠而靜
鄰媼輟春侮甬含哽六館之士揆慕滋永生芻涕洟薦
羞謁請空國會穉咸欽懿行嗚呼哀哉行輔世教惠爲
禮宗勤苦食報有昭羣蒙薰然慈仁史載管彤卿不慚
長丁甯敕躬歸善必果資孝惟忠靈其何憾神明上通
知後昌大式憫幽衷嗚呼哀哉

王母鮑太夫人誄

朱一新

歲在敦牂月維畢病長沙王益吾先生陪祀 東陵行
二日而太夫人疾作聞耗遄歸未旬遽卒嗚呼哀哉樹
蕙委華匪莪輟讀王事靡盬鬼伯何促嗚呼哀哉太夫
人家承顏訓幼嫻班誡誦詩而取德象帛拜而代香纓
年十九歸贈公逮事重閭能諳食性潔蠲概散煩擷絺
綌和蛩吟而絡緯先雞鳴而總笄翬翬焉愉愉焉玉綴
照於中閨蘭熏扇於嫺郇矣贈公既傾乾蔭重罹困厄
紆干之雀懼凍殺而分飛城上之烏獨畢逋而告瘁太
夫人數米而爨量腹而食勸威姑以加飯伴稚子以恆

飢團團。初日照見乎。猶盤棱棱。朔風威侵乎。葛帔龜手之勞畢。羣牛衣之泣。靡聞食貧而旨媚。學相助。蓋偃如也。吳穹靡忱。漂搖其室。屢瀕祝予之痛。遂邁未亡之舊。薑橘手調。慟絕徐家之新婦。植梨踵武。僅賴季氏之嬌兒。蓋太夫人舉丈夫子。四今獨先生存耳。嗟呼。回黃轉綠。枯苑之遇笑。常彈徵叩宮。甘苦之懷。自喻去齒而子角前沈。而後揚。清陽之運。不綦然與逮先生入承明教。胄子歛笙詩而馨膳。被宮錦而戲綵。太夫人佩其象。掃盲分九樹之華。撒其環瑱以贍六嫔之急。敬姜猶續每學先姑少君。雖貴詎忘前事。何悟鼎養方遂。恆幹不居。

寒泉咽流悲谷淪曜歌虞殞而電逝鏘楚挽而風淒嗚
呼哀哉三釜之祿反哺曾幾何時一溢之米銜恤迺無
終極遂使悲隱之之慟鄰母感而輟餐聆皋魚之言弟
子辭而歸養嗚呼哀哉一新隸充公之門下稔魏國之
賢聲敢述累德之篇不辭誅長之僭昭我彤管表之素
旂其詞曰

猗嗟賢母女有士行淑質瓊粹冲懷淵映胡德之豐而
壽之吝百年有窮令聞靡竟竹筍遣戴椎髻儷梁姑恩
讀曲女憲補亡餅罄囁恥母兮傍徨約其口體以奉尊
章孝乎維孝厥聲英英夫子人豪棲貧服道祕文怪牒

冥搜幽討佐讀以縑誰謂茶蓼豈伊匪艱榮名爲寶學
之勤替家之息耗毋以瓊瓊而紛厥好願謂而曹書諸
庭話森森珠樹頭沒勸學僉曰荀龍倏悲賈鵬拔心卷
施斑涕慈竹偉節最怒阿龍故超豐玉荒穀爰登於朝
母也迺然秉心無競鞠衣匪榮藜羹是軫能勤有繼懷
哉先訓如何厚夜曾不泐旬悴葉號且淒花斷春無言
怛化遽此歸真侮甬擗標遺愛在人嗚呼哀哉疇昔之
年孫枝屢謝畫圖省識睠焉心寫庶幾謀祝毋虛弓冶
素幃依然含飴地下嗚呼哀哉戕戕大編慘慘靈輶昔
也板輿今也總帷宵夢愀怛搯臂歔歔怛焉驚寤卹然

增悲湘波嶽雲靈兮儻來嗚呼哀哉

王母鮑太夫人誄

繆祐孫

維光緒八年三月某日王母鮑太夫人疾終京師邸第
吾師長沙夫子蒿莪罷授金石輟響感愴寒泉續今述
往嗚呼哀哉素襲盈幄銘旌在堂師氏劬苦坤體含章
辛憲仁恕之戒崔母淑德之懋被暈而匪厥寵躋鮑而
匪厥壽祐孫旣辱假館備聞徽燾僭不敢辭敬成斯誄
其詞曰

猗嗟女師允持士行服誥弦雅嫺禮怡性異世仇湛深
閨損參翼子之竺攢揭誓興惟桓少君是徵姆教才嗣
令暉敬媿德曜逮事尊章兩世康舒不米而爨有鋪而

漁。枵。腹。謂。飫。美。膳。儲。甘。銜。巢。忘。苦。咀。檀。遺。酸。豈。綌。禦。冬。
乃。綌。之。存。豈。珥。綱。華。乃。珥。爲。飧。盥。樅。伺。顏。紉。烹。視。力。抑。
塞。能。解。嘯。號。爲。釋。楊。叛。之。訐。楚。些。實。傷。傷。哉。宗。適。遽。殞。
滂。塘。仲。負。文。譽。已。拚。羣。雅。病。試。有。司。天。不。年。假。季。也。卓。
犖。劍。戟。書。史。志。邁。班。生。壽。促。顏。子。棘。心。用。摧。亦。孔。之。憂。
愼。旃。方。詔。漣。如。涕。流。矧。維。通。奉。西。河。慟。深。形。鏢。瘵。傷。神。
策。癘。侵。臂。不。弛。衣。听。不。拭。櫛。冠。幘。相。對。恭。愼。慘。烈。懇。懇。
師。門。慈。誨。虔。秉。往。佐。戎。禧。爲。博。旣。稟。迺。領。國。賓。迺。班。大。
羅。校。芸。視。草。馳。傳。乘。查。千。里。板。輿。十。年。京。國。牽。衣。嬉。歡。
索。棗。愉。悅。諸。母。胤。姊。彼。甥。與。弟。爲。懌。晨。昏。骨。月。偕。戾。

帝廷奏賦 恩擢青宮成均上尊笙鏞鼓鐘克娛壽母
永錫難老靡遂含飴猶悵懷抱袿裳則卻節諧璜璫沈
香弗御情厭紈綺鄰巷春寂芭舞徒揚總堂悽沮難露
悲傷於乎哀哉享年耄紀詒世母儀體貌雖邈德問恆
歆煒彤不朽靈兮格思

王母鮑太夫人七十壽言

增

趙銘

清風湘竹移城南尺五之天晴日陔蘭譜堂上笙三之
樂玉杯甘露媚此春暉錦帔仙霞攜來帝所榮起居
於八座祈綽綽者千齡若我益吾夫子爲太夫人七十
壽稱觴京邸允宜酌大斗以延釐集摺紳而祝嘏矣而
況居歐陽門下親聞畫荻之型依韋母幔前有待傳經
之教者乎惟太夫人蘊華珂里毓秀璫閨拏楚澤之芳
芬椒作佩衍令暉之派香茗成吟婉婉髫齡已代母而
操內政幽閒嬪則能持家以博親歡迨歸於贈公載之
先生也重闈並侍舉案相莊靜調洗手之羹敬上升堂

之乳蘭房屈戌不羨名媛齋曰受辛偏勞幼婦采蘋采藻承筐以俟威姑奉水奉槃沃盥而隨諸姒賓至則壺觴立辦夜深而刀尺猶聲葢慈教洽於公宮令德彰乎碩女矣旣而喬木成陰連枝競爽謝宏微之讓化及閨中袁汝南之名成於內助會贈公以門宗多悴家督是肩千金之產奚償一硯之耕鮮穫東方索米還遺細君仲子拔葵兼資賢耦飛蟬辭鬢搜蠶篋而俄空海燕棲梁催寒碓而欲暮未免居鄰苦縣境迫謬臺太夫人則黽勉同心拮据予手問慈幃之佐餽不改承顏羣稚之牽衣深憐繞膝飛龍藥店銜石闕以何言紫鳳天吳

繡波濤而盡圻。獨以冰襟相映。風操彌堅。有南山之斯
飢。無北門之交謫。隱偕賃廡。而伯鸞益顯其高學。喻斷
機而樂羊亦欽其誠。宜乎閑家罔悔。燾後有聞。四雛接
翼而升。一鶚凌霄而起也。且夫靈珠之輝。吐於神澤黃
菌所誕。蔭以卿雲。非貴來而悟稀。乃積善而餘慶。觀於
我益。吾夫子幼承庭誥。長守楹書。類謝朓之嗣。莊賴班
昭之授。穀良由太夫人推折。夔之訓。自昆以及弟。申集
相之義。視國而如家。故勉以從軍。不畏仲魚之及。難課
其入。穀羣誇張。驚之選錢。用是藥榜題名。玉堂聯步。望
遠則泥金有帖。還鄉而衣繡乘輅。以閬苑霓裳。增光舞

綵以蓬池鱸味歸勸加餐莫不覩西清視草之才而知
北堂樹諷之樂焉於是恭迓板輿同遊京國華孟姬輜
駟而往祝牧子黻佩以從下直花甌便趨親舍編成竹
史還話家山人紀爲榮詞臣爭羨況乎淩雲奏賦 天
子動容畫日簪毫儲端進秩其間輶軒屢駕衡鑑高懸
厯邊徼以翹材試春明而校士瞻斗牛之紫氣劍躍星
鐔攬江海之銀濤珊披鐵網鯉庭桃李到處新陰鸞掖
文章幾人傳鉢在珥筆非徒華國比捧檄尤足娛親論
者謂太夫人能玉於成克膺其報以視昔日之尊名柳
下表行誰知薄宦桑中寄書相助固已戚愉殊致榮粹

分途雖伯霜仲雪早偕予季以遊仙而羯末封胡更挈
彌甥而入侍談棋之興姑婦交歡扶杖而來女孫粲列
團圓得之雅集婆娑樂此高年福正未有艾也太夫人
方且約身以儉練性以和教組紕以肆勤卻鉛華而示
樸勞則思善猶舉敬姜之箴養不求豐曰惟魏國之志
至於鮒逢涸轍拯困維殷鶴有餘糧分施靡怠遠貽嫻
姪覺惠問之纏綿下逮嫠嫠感恩波之曲盡淑行推於
朝列芳徽播乎洞庭此則歌彤管三章難方其懿嫵賚
金書八會宜集其休徵者矣屬以蕤賓之月敬逢設醴
之辰年是古稀祐從 天錫 鸞書五色與翠軸而相

鮮象服三加自紫宸而疊寶安榴獻瑞正紅開照眼
之花都蔗分甘喜青帶歸鞍之籠縹醪酒熟法醞同斟
雲母屏張詩牋競奏洵宮坊之韻事爲盛世之貞祺
銘夙受深知遙欽慈範數魚軒於都下楚南之從宦無
多仰烏哺於師門闕北之承恩獨懋所願壺中日
永愛晷長延林下風高褰封迭晉雲歸衡嶽他時開
百歲之筵月滿瑤池此夕進八琅之曲謹序

王母鮑太夫人七十壽言

周材芳

蓋聞花名綺縞經二百歲而始華桃出磅礴厯一萬年而乃實霜露勝則天爲粵宛炙潤久則地亦競環故修齡每積自瘁臞大福恆基於屯塞是以少君貴壽當年習提寶之勤李母康娛早日甘掩錢之困瞻言徽景紀載非虛聿攷休徵揄揚允協恭維王太師母鮑太夫人善心爲窈美意延年蘭澗金盤孕媪神之靈秀鹿車驄馬傳司隸之高華輦絲克勵乎婉心麻枲早嫻夫手迹而且金鑾稚弱已解工書紉素伶俜偏能詠什迨三商之宜吉諧六禮於興門我太夫子和光同塵積善成德

邴根矩貞能勵俗郭林宗隱不違親兼以裴顧縱橫有
五兵之羅庫坡公俊贍傾萬斛以飛泉惟眞儒乃薄時
榮非淑耦曷襄內政太夫人則瞿瞿治業持家循曹女
之書宛宛同心入室舉孟光之案翟氏爲淵明素對馬
倫實袁隗賢嬋繭作同功服成偕隱惟時陳羣門內元
方扶持乎仲弓叔紀堂前楊進稟承於文母鵲鳩原上
伯壘仲篴箕帚班中鍾禮郝法太夫人職思孝敬誼盡
調娛修儀悅尊上之顏祇事隆家人之道旣而金鋪簾
席占偉兆於充閭因之玉長庭階有神光之照社李家
四括杞梓呈材崔氏一星珩璜表度折蓂惠洽畫荻心

劬凡此皆閨梱之難能而猶非太夫人之至德也且夫
班姬效職未蹈時迤萊婦食貧不聞家難居安履順疇
習蓼而避荼遘否罹憊或形茹而神藥塵封范甑遂減
晨羞燭撤徐機因停宵績甚者瓜經屢摘復護植以何
心鵠已孤飛更勞生其奚益縱安願領遑濟艱難太夫
人則粹性恆貞淵懷彌定威姑待養織紵以供餐正
嫂失天扶荆枝而使活吐甘饑子手合膏醢茹苦勤家
親春蓬稗詎甘臨之未卜值苦節之頻占一樹靈椿遽
萎烈日三芝秀草齊折罡風乃復堅志石蘭礪情冰蘂
照屬賓之隻影徒泣孤鸞撫南郭之丹雘惟存一鳳長

卿門第扶持胥賴乎桓嫠士行功名成拔還資夫湛母
爰以梁媛之懿歟鍾爲應氏之邴昌我夫子發德髫年
表姿卯日終軍志壯駿騁天衢孫抃才雄鶯鶯省壁朱
繩青鏡數從紅海以羅珊銀膀銅樓遂向瓊條而插羽
當黑水星槎之返深白雲親舍之思棹隗緝以南來捧
潘輿而北上崔邠奉母躬導前驅樂藹之官隨攜伯姊
宗家會食極繼續之輝華徒附依光盡綢繆之恩紀承
天榮渥開第康莊太夫人猶復嘆約束心愉綆警情條
衾疏帳咸欽蔣母之賢大帶朝衣猶出敬姜之績散張
緬之祿秩惠必逮人誨元佐以溫恭恕能待物所由芳

猷允塞福嘏丕承者矣茲當設悅之辰已屆賜羹之節
月逢其吉著履端之義於三旬壽視乎仁兆大齊之徵
於七艷朱堂戲綵珥王筠七葉之貂繡閣含飴撫元氏
三花之樹西池王母眞圖錫以嘉生晉國夫人 襄綽
稱其福壽行見慶昌枝裔襲槐衮於雲初允宜表式笄
珈永諶齡於岡阜材芳等寒桃素李培自鯉庭翠笋金
卮奉從馬帳悉琅瑯之家世願瞻鄰母以升堂屬韋逞
之門人敢頌宣文而捧筆謹序

王母鮑太夫人七十壽言

馮一梅

光緒丙子秋益吾夫子主校浙闈沐光寵者百餘人一
梅與其列焉明年春闈北上五月恭屆 誥封夫人王
太師母鮑太夫人七黷壽辰同人咸願鋪鴻藻揚懿美
獻祝辭以爲壽一梅從侍師門頗詳顛末敢承執筆之
任揚摧而陳之竊聞鬱儀之景非榮耀所得效明榑木
之枝非棘林所能擬茂流光者積必厚條繁者本必堅
或無言而成蹊乃如響而斯應爰追述壺度宣著母儀
而知享遐齡膺多祐厥有由致誠非偶然太夫人湘波
毓靈衡嶽誕秀幼承姆教率履蹈和長炳闡型稱詩納

順衿襦遵範彤編播厥蘭芬輦悅垂儀素壁儷茲蕙質
若其象服委蛇之度雞晨盥漱之容蘋蘩虔敬之誠絺
綌儉勤之素斯則境逢其易道率夫常飢縷莫罄猶可
得而略也適溯含章之始夙遭盤錯之艱未屆及笄已
嗟失恃靈椿之景方迫於崦嵫弱茁之姿自芳於庭阨
總角篤孝拂髦盡勤內外洽和出入咸理泊乎紉帛納
吉纁紉于歸始焉櫛縱問安石建之一堂具慶繼乃田
園漸落相如之四壁徒存我太夫子載之公顏巷簞空
原襟肘見鄴侯之架萬卷董遇之讀三餘太夫人上奉
孀姑下撫弱息形疲神縻而無餽結之髮簪蒿杖藜而

無。懊。呶。之。語。鴻。婦。賃。春。之。況。遜。厥。優。嗜。萊。妻。操。畚。之。情。
方。茲。高。潔。太。夫。子。志。甘。蠅。屈。學。勵。蛾。飛。紹。墜。緒。於。縹。緲。
裕。薪。傳。於。堂。構。於。以。述。曩。古。啟。來。今。者。實。太。夫。人。有。以。
成。之。焉。及。夫。子。翔。馭。西。清。供。職。東。觀。板。輿。迎。養。慰。潘。岳。
之。情。闕。宮。侍。顏。洽。魯。侯。之。喜。 誥。頒 芝。綽。則。翟。衣。耀。

鮮。陔。潔。蘭。羞。則。鶴。綃。粲。美。福。應。斯。集。期。頤。有。徵。而。太。夫。
人。猶。抱。樸。自。甘。志。存。衛。裳。之。娶。保。泰。有。誠。警。深。周。器。之。
歆。瑣。務。必。親。終。日。不。倦。斯。其。賢。德。尤。越。尋。常。昔。夫。子。嘗。
惜。陶。甕。之。陰。動。孟。楹。之。慨。擊。楫。明。志。橐。筆。從。戎。時。則。星。
動。櫓。槍。流。入。翼。軫。之。度。氛。興。鑿。齒。戰。於。壽。華。之。虛。蚩。尤。

之旂方張。約服之謠易惑。太夫人知于公必能有後。謂知營當得生還。乃日暮千山。方倚閭以望。而塵飛一騎。果突圍而歸。允欽先見之明。足驗福根之固。今夫子校書虎觀。富覽鴻篇。金泥玉檢之文。蘭臺探祕。帝虎焉烏之字。蓬閣刊謠。日孜達乎。聖聰雨化。深於後學。朗冰

壺於炎微。曾司桂籍之衡。揚珠旆於贛江。聿萃藥籠之選。輶軒所采。海宇蜚聲。轍跡所經。士類慰望。乃至越水吳山之地。亦沐景星。卿月之輝。西蔑臚歡。東甌引領。堂開鳳唳。胥荷玉尺之量。風暖春明。復炙緇帷之教。每值藜煙。然罷芸館。晚歸侯芭。問字之車。常盈戶外。康成授

經之席猶在人間異時樂育有成人。才奮起上爲國。家收選舉之效。下爲天下扶古訓之衰。則所以成太夫人之志者。豈淺鮮哉。一梅等躬荷甄陶羣欽徽懿欣逢燕喜翹祝鴻庥亦惟抒蠡測之微明仿荆渝之筵弄。審講宣臆捧等陳辭若攷厥賢明則子政之傳可續。欽其淑慎則茂先之誠允符。覺鰥生曼漈之文蟲篆雕刻之技誠未能導揚於萬一也。

王母鮑太夫人七十壽言

繆荃孫

粵維強圉赤奮若之歲月紀長嬴律中中呂爲主太師
母鮑太夫人七秩壽辰時逸梧夫子以餽稟之頌絜齊
其膳錦纈之服嬰嫗其容故舊同僚罔不和會率將鄰
麗泉之水爲聖善縣齡進華岡之枝爲眉梨篤祐荃孫
久依函丈早熟儀型敢布謏言聊當嚶引夫松茂柏說
安貞本於地符震出坎勞成功資乎坤德在昔廬陵文
譽基之畫荻之風鄒嶧名賢成以斷機之學是以婉愉
之樂富貴所不能強者天獨償之於德門堅苦之操冰
霜所不能摧者天亦報之以晚福先河後海隱顯萬端

亭陰霄陽盈虛一理今於太夫人可得詳微焉方其鍾
黠綺齡宅裏彤史紘統獻功之訓早熟於綰繩釵鈿辱
金之倫不畱於眴眴幽蘭紉佩羣奉女師香茗裁篇夙
承家學追歸我太夫子載之贈公鴻案初齊鹿車共隱
齋心綺釜夙夜薦其馨香洗手羹湯重闥說其顏色贈
公方出爲經師入奉子舍何家三隱尤數小山賈氏一
門首推偉節削竹而寫冶心入於大鑪據梧以吟精思
應夫鳴鏑雖復和璞韜采干鋒斂鉞而守學彌篤式茲
鄉人力行可風稱夫陰德太夫人扶持中饋黽勉前修
饗飧不繼無交謫之嫌嘒號滿前有自得之樂至於奴

耕婢織女布男錢百口齋鹽一鐙刀尺咸經緯之合度
無偏頗而不平則固數十年如一日也洎乎課子和丸
畱賓截髮許橐筆之請遠遊以副壯懷聞破軍之占迪
吉信之天道我夫子學追董賈文儷王楊簪毫畫日掌
丹禁之文章獻賦凌雲擢青宮之侍從而且鎖闥
校藝衡尺量材舉燭以索遺珠撥雲而求定鏡蒼山洱
海珣玕接巖壑之英浙水章江金箭采東南之美固已
遵明說禮海內傾心高密傳經士流引領者矣太夫人
猶且劬劬如畏抑抑不矜勛之以仁厚傳家毋忘祖德
勉之以經綸報國毋負科名每進一官輒申一誠每

得。一。士。爲。加。一。餐。躬。親。細。務。習。勞。而。藉。作。家。規。施。惠。實。
人。振。乏。而。推。懷。往。困。擬。之。饒。爲。經。術。成。於。幼。時。仲。郢。功。
名。滿。於。慈。訓。以。今。準。古。異。代。同。符。若。夫。遠。奉。板。輿。就。養。
京。國。關。河。閒。阻。無。恙。者。神。明。水。土。異。宜。何。需。乎。蘆。朮。每。
當。花。初。星。晚。月。夕。霞。朝。補。華。黍。之。詩。奏。壽。人。之。曲。蓮。池。
宴。罷。分。來。考。叔。之。羹。蓮。炬。宵。歸。猶。照。敬。姜。之。績。鞠。宏。微。
於。穉。歲。才。語。煙。霏。挈。無。忌。之。名。甥。華。詞。飈。起。雲。章。鴻。
奕。光。夫。里。閭。家。慶。蟬。嫣。榮。於。戚。黨。回。憶。倚。竹。天。寒。停。鍼。
檠。暗。塵。滿。萊。蕪。之。甌。蒿。生。仲。蔚。之。廬。一。旦。以。逆。坎。之。占。
爲。順。巽。之。吉。靈。藹。卜。勝。福。草。含。嘉。行。地。如。仙。自。天。錫。祉。

固由太夫人貽謀之善亦可見夫子養志之誠行將壽進期頤輝增史乘湜流慶衍庸有艾乎荃孫按古者嘉禮必有祝辭秦漢以來類以歌詩爲壽揚舉令言稱道洪敷甚盛事也不揣拙儀敬獻頌言其辭曰

朱陽穀旦壽觴踞陳四德令儀是法是遵雨露雖養不如霜晨桃李雖豔不如蓼辛穀旦朱陽壽觴再侑鍾釜備具金匏互奏中樞飫樂自天佑之羣流鏡仁自心壽之三爵旣進穀旦朱陽馳聲南國保艾北堂永錫難老純嘏爾常戩穀罄宜以斯於世昌

王母鮑太夫人七十壽言

彭毓海

衡山標天柱之奇樹嶽宗之望網絡涪潯跨躡沅湘中興以來武節斯競維我長沙夫子獨被儒者之服扶大雅之輪擣嶠道真回翔文苑方聞綴學之業邁於景鐘研精覃思之功高於中壘固知祝融之所曜景是生魁儒富媪之所麗靈實鍾壽母推其毓源之始徵厥炳慶之由其得之我太師母鮑太夫人乎敢卽舄奕之儀用作徽言之闡太夫人司隸清門莊姝令德稱詩納順率禮蹈和玉臺謝其妍詞斑管發其新製天將以大定國之門光茂宏之緒焉旣而克相皇辟懷乎史箴虔奉威

姑儼若朝典喔喔籌唱櫛櫛侍晨軋軋機鳴籌鐙落燼
柔怕善下踣踣忘勞我太夫子鬱奇律而莫采韞懸藜
而未收而乃警旦之聲久聞於鄭國賃春之事不勞於
伯鸞吁其難矣夫何藁砧響歇珠樹影摧含霜茹雪集
蓼懷辛以拈茶之勞爲折蓂之教補蘿無屋納楹有書
每當停鍼月落倚竹天寒若不知後此之金珥綴蟬揄
衣畫翟也且夫娉嬈之間睽孤易起太夫人陶熙其性
愉懌其衷憫伯氏之無祿許士安以出後陶嬰之曲頓
減悲涼謝庭之枝不妨移植自古爲難加人一等在昔
長公學行式奉慈闈道園文章出自內訓我夫子騰聲

瓊苑晉頌

金天瀑承明之直蓮炬生光作博望之賓

芝坊領秩子墨客卿咸資準的翰林主人奉爲軌涂推
其淵致厥有稟階準斯以觀可得而言胖胗風土蒙段
山川問俗天南弭節日北收來火齊赧赧分朱鳥之精
網盡珣玕璘紛鬬碧雞之色此夫子之力也卽太夫人
之教也豫章文物近稍些窳征輶直指慧鏡孤懸芟張
霸之僞書斥魯人之贗鼎蠡水無此激清廬阜還其面
目此夫子之力也卽太夫人之教也英簜三持甌淞又
莅獨能皋牢眾態融冶羣才會稽玉牒之辭百寶沐浴
帝臺鈞天之享九奏砰訇見者歎爲鯨鏗春麗鳳鳴朝

陽此夫子之力也卽太夫人之教也至若盈蹊桃李盡
是新陰貯籠瀟苓都成俊物銀袍幾輩耀萊子之衣霓
裳眾仙和唐山之曲其華國也如彼其榮親也如此太
夫人猶復馭才以德守約於豐陽蔭陰敷噓枯蘇槁鄉
多褐父佩玉無歌地匪祇浣布金常滿莫不仰其波及
樂此春如古所謂因仁爲質輔義而行者與宜乎景福
脍饗繇祉葳蕤紺桃縹李之祥金松綺柏之祝方茲已
徧靡得而云已人第見 宮錦一襲板輿八年樂且無
涯容還有睟而豈知曩者之帛劬荻畫曲悴蕙心始得
此荼薺異觀枯苑殊致乎歲維彊圉月正長嬴三危瑞

露和紅雪以同嘗九醞香醪泛紫霞而共酌南詔西江
之士稱妮而前吳山越水之英黎收而拜毓海等深維
穀霽久愧氈毼自出大賢之門稔聞聖善之實曷敢揆
張藻繪少溢錙毫所冀慈雲遠蔭愛日長綿躋起居八
座之尊光會昌一品之集庶使韓公元氣埽綺麗之餘
波永叔別裁釐嘉祐之僞體共聽女牀嚶引調颺氣於
歸昌豈徒寶婺宵明助中台而燭煜謹序

王母鮑太夫人七十壽言

葉大焯

益吾宮允藝苑宗工蓬山魁宿橐枚乘之筆東觀蜚聲
導崔邠之興北堂就養鳳城春暖白華潔而吹笙燕寢
香凝朱轂退而侍膳茲以強圉之歲蕤賓之辰戲綵承
歡徵文祝嘏集賢之杯十九爭介寶筵女嫫之紀五千
各斲仙算況大焯等與宮允倖託同袍如林宗之知季
偉飫聞慈訓因士行而景湛姑敢假輦詞實臚懿則惟
我年伯母鮑太夫人毓祥湘水箸系齊州幼嫺季女之
風長擅大家之譽德成婉婉頌椒有獻於端辰典緝綰
繩詠絮久稱於內集年十九歸我年伯載之先生鳴璫

叶度側衽修儀祇敬以事重闈輯睦以敦六族薦廟中
之贊藻如對先型作厨下之羹湯能諳食性東眷西眷
式是徽柔婦容婦功表其惜嫵自先生以生計拮据舌
耕自贍於時門仍千指地僅一錐范家之甌常塵王氏
之瓊空在太夫人焦心孳畫赤手措擲上奉威姑內相
夫子鹿車之挽劬於子都之婦牛衣之泣瘁於仲卿之
妻旣茹蓼以食貧且折蓼而課讀爲寶剉薦仍祛衡纊
之交遣婢買珠徧購琳琅之簡每當霜華覆瓦月色窺
檐茨舍三椽糠燈一盃母機軋軋兒誦泠泠林鴉忽嘯
階蛩如訴未嘗不繹孟博之傳忼慨以勸東坡授歐陽

之文指畫以匡虞集也。無何先生玉板書來，金刀識叶，布荆依舊，腸斷梁春，菽水何資。心期毛檄，宮允迺辭親舍，事戎軒鄂皖，長征咤叱。羊腸之馭，澧沅遙戀，徘徊烏哺之情。太夫人知孝子爲祿養而行，不揮別淚。雖遠道少當歸之寄，獨策壯心，軍潰壁門，人傳噩耗而復信。天有素聞，變不驚果。見柴子羔之來，共幸銳司徒之免乙丑。宮允入詞林，旋晉春坊太夫人笄珈赫輿，杖履怡愉，似可長攝天鈇，不關家事。乃猶隔圍屏而闕客式，古訓而厲忠法。敬勞履滿不溢喜崇公之有後述德無忘以故宮允束己以繩說士若肉雞廉自勉龍性能

馴玉尺四持苞軋黜劉幾之體金壺一灑表傳踵班掾
之編凡我宮允之蔚作 國華皆太夫人之垂爲彝教
宜乎眾欽闔德家奉女師聖善發揚祓禱翕戢 賜金
羅之七紙官告院高集絳幔之諸生宣文堂啟綰綽之
徵斯信純嘏之祿自甄蓋非璇柏之淵莫睹明玳之照
乘非樊桐之圃難逢粹璞之貫虹侯其禕而茂乎鑠矣
方今 皇上尊養 兩宮日隆 孝治 東朝之奉有
曜於崇徽西母之琛將廣而壽世定見好德之疇錫自
皇極行義之號賁以 綸言又豈僅宜爾子孫萃一
門之蕃祉綏我眉壽榮八座之起居也哉是爲序

王母鮑太夫人七十壽言

彭樹森

吾鄉王君益吾旋自雲南迎其母 誥封夫人鮑太夫人來京師就養又七年歲丁丑太夫人壽七十而益吾以宮允連主鄉試門下士畢集樹森等亦以年家子得與蓋升堂介觴千有餘人皆文學士極一時文物衣冠之盛可謂榮矣雖然益吾初自雲南旋猶官編修非大有氣力乃決意迎養念陸行勞苦涉江泛河自邗溝北泝逾年始達又念太夫人遠行違戚里無以爲歡遂并及於太夫人之伯姒母黨子婦猶子女公子及其子女皆挈以行蓋數十百指吾鄉去京師遠能迎養者寡矣

迎養而并及族姓戚鄰者尤寡而益吾奮然以行且曲體歡心如此人之知王氏者每論曰王氏有若水先生捐田若干畝爲學田而未有後光遠有耀固將必於其宗益吾之先又多積德太夫人尤孝敬能事舅姑冬著夏袴無怨無戚壹以勤苦相其贈公載之先生以禮教訓其子女益吾之兄若弟不獲長世益吾亦轉徙兵革閒瀕危者數乃卒發迹於科目太夫人晉期頤膺難得之寵榮亦固其所而余則尤多益吾之力爲其難發於心者誠然行於事者曲盡信乎太夫人獨享之樂京邑宦族所鮮見非外至之榮比也益吾勇於箸書凡 本

朝掌故地志水經皆究悉之尤肆力古文辭余與反復
辯論過從登堂拜母太夫人一言一動無不有誠意將
乎其閒令人久而不忘獨念余與益吾同舉又同歲生
吾父亦壽七十而十年之內益吾德修業進余猶浮沈
郎署求一第以慰高堂亦不可得壽日不獨不能召客
且以無名之遊宦違晨昏數千里外所以爲子者視益
吾何如也然於此益歎羨太夫人之福之厚爲不可及
矣同人以侑觴之辭相屬余方自媿何足以仰述太夫
人盛美亦述其所以媿而羨者而已益吾其益勉所以
事太夫人者哉是爲序

王母鮑太夫人七十壽言

龍文彬

古無壽人之文自宋以詩詞儷語相投贈明則益之以序最富者莫如歸熙甫至國朝施愚山魏凝叔方靈皋姚姬傳諸家蹊徑各別大約撮舉要端衷之理道不爲瑣陳謏頌之詞義法未有不同也近世崇尚鋪張臚列眾美惟恐一端弗備無以愜求之者之懷豈惟於序體有乖且事愈詳義愈陋卽揆諸古人紀事之文恐未必盡然也予同年有王益吾精於文者也屢握文衡多得名宿去冬典試浙江旋都以年伯母鮑太夫人今夏五月七十初度命文彬壽叩所以爲文者則曰吾母之

佐先君備歷百艱先君授經在外吾母或竟日一餐食
少許輒託故去慮先祖母之弗飽也或隆冬衣裳質盡
猶服夏時之服嘗語兒婦輩曰吾當時不意全活至今
然忍凍餓而無怨言者不敢沮乃翁志也男兒貴能固
窮但房幃或相摧謫則意紛而不能自力此關於家道
廢興甚大又屢稱述先世勤儉家規爲勸謂人須無時
作有時看有時替無時想故至今儉約自持不改寒素
風文彬曰窮而無怨貴而不易其操此士君子之所難
而太夫人能之卽此足以徵益吾之振奮有自也夫斯
干言女子無非無儀而旣醉則有女士之稱義果何屬

及三復雄雉之詩婦人以夫遠仕他邦自忘睽違之苦而勉其君子以不伎不求是二者士大夫之所難克聖門如仲由僅僅有合而閨閫乃見及此竊意女士之譽非是不足當之彼北門之賢累於交謫東遷之大夫懷未有室家之慮於此益見雄雉婦人之賢爲不可及今觀太夫人貧時艱於雄雉之所遭而能自克其伎求以成夫子之德行其賢則又過之贈公學雖未顯而益吾早歲入詞館大考擢宮僚茂聲俊烈颯颯日震天之所以隆厥報者未知視雄雉婦人何如也先是益吾從戎幕天門敗績突圍出或以與難告太夫人聞之曰

也其信道不惑如此今迎養京寓垂七年益吾言公退
之暇承望顏色見吾母進一餐加一匕則陶陶然樂莫
能名此益吾之所以善養親志而太夫人撫今追昔其
樂曷有極耶益吾所述樸屬無溢辭予亦曷敢襲世俗
之浮談以進特著太夫人之有合於詩人所稱俾爲人
母者知所取則益吾精於文以爲無盤於古人之義法
否也是爲序

王母鮑太夫人七十壽言

錢振常

皇帝御宇之三年太歲彊圉赤奮若春正月我同年益
吾王君齋宿而來造廬而請曰某自登粉署叨沐 君
恩幸奉板輿來游京國竭清溫於冬夏已屆六年仰康
吉之春秋喜登七秩將舉稱觥之禮用承扶杖之歡敢
乞瓊琚藉光輦輓振常重辱斯命深慚不文願倖叨公
瑾同年得拜宣文賢母又何可使黃裳勿表彤管無辭
乎維我年伯母鮑太夫人毓自高門生有殊質受公官
四教讀女誡七篇應淑德之好述識善心之爲竊年十
九歸年伯載之贈公靜協陰律穆宣壺儀調琴瑟之音

佳耦曰配潔豆籩之奉內助惟賢萊畚同操桓車對挽
內而梅蘇韭菹調劑咸宜外而漿酒壺飧餽遺無缺時
我年伯高堂重慶垂庇蔭於椿萱年伯母中饋克閑肅
儀容於榛栗旨甘待奉得兩代之歡心几杖扶持極一
門之樂事所謂愛敬天情言容典禮者矣太年伯峻齋
先生樂善無遺安貧有素杯能化去錢不飛來券畫指
而難稽資纏腰而已散年伯母篝鐙宵織執爨晨興上
奉姑嫜下撫子女鐵簪畫壁相夫子以持家銅盤傳餐
坐佳兒而課讀硯田筆耒難繼饔飧布釵荆俱歸質
庫而乃艱劬備歷摧謫無聞是非通曉詩書洞明禮義

能如是歟歲甲子益吾登賢書乙丑入詞林自庚午迄
丙子分校禮闈者一主試鄉舉者三復與大考特擢
中允聽西清之鈴索掌東壁之圖書綸綍朝宣輶軒
歲出一簾秋色湖山之景兼收萬種春花桃李之門更
盛金鑣刮目黑白無淆玉尺從心短長皆適泛豫章而
梗枻盡選登會稽而竹箭都儲朝廷收得士之功士
林服論文之識人第聞其聲華之鼎盛而不知折葵畫
荻成之也見其門第之清高而不知茹苦含辛致之也
先是同治初益吾慨家況之艱難思戎行之奮迹墨磨
盾鼻願草軍書米泔矛頭屢撻鋒刃告急斷紙薦之信

避兵少螢火之丸益吾作代檄之陳琳本無官守效突
圍之江革幸返鄉園既慰望於門閭遂仔肩於堂構此
固孝思之不匱抑亦陰德之必酬今者美意延年康強
逢吉華鐙遠耀寶婺長明饌潔蘭羞膾斫蓬池而佐餽
恩頒芝詒鶴飛海屋以添籌振常等久挹清芬熟聞
懿德雖無鉅筆寫雲母之屏敢獻卮言侑麻姑之酒云
爾謹序